



内閣文庫	
番號	漢 5208
冊數	1 ( 1 )
函號	2 5

元 五二  
九 八

重 2 - 5



国立公文書館  
National Archives of Japan

子略序

慈恩院

海內軒

德福

六經後士以才藝自聲於戰國秦漢間往往騁辭立  
 言成一家法觀其跌宕古今之變發揮事物之機智  
 力足以盡其神思致足以殫其用其措心運志固不  
 能盡宗於經而經緯表裏亦有不能盡忘乎經者使  
 之純乎道昌乎世豈不可馳騁規畫錡錘事功而與  
 典謨風雅並傳乎所逢如此所施又如此終亦六六  
 與羣言如一百氏同流可不嗟且惜哉嗚呼仲尼皇  
 皇孟子切切猶不克如臯夔如伊呂周召况他乎至  
 若荀子通韓愈氏是學孔孟者已下下

與諸子同日語或知此意則一言可以明道  
謨可以立身養性致廣大盡高明可以著書立言丹  
青金石垂訓乎後世願所擇如何耳審哉審哉乃系  
以諸子之學必有因其學而決其傳存其流而辨其  
術者斯可以通名家究指歸矣作子略

子略目卷一

高 似孫 續古

漢書藝文志

史稱劉氏七略剖判藝文摠百家之緒每  
一書已輒條其篇目撮其指意錄而奏之  
自書災於秦文字掃蕩斷章脫簡不絕如  
綫上天祿石渠麒麟閣者曾不一二又雜  
以漢儒記臆綴續之言書益蕪駁枚數諸  
子略所鈔則所謂建藏書之策者不過是  
耳天不祿喪猶有可傳者而後世乃復與

之踈闊鮮克是訂而書益窮矣采劉氏略

作子略

晏子

八篇名嬰謚平仲相齊景公孔子稱善與人交有列傳師古曰有列傳者謂太史公書

子思

二十三篇名伋孔子孫為魯繆公師

曾子

十八篇名參孔子弟子

漆雕子

十三篇孔子弟子漆雕啓後

宓子

十六篇名不齊字子賤孔子弟子師古曰

宓讀與伏同

世子

二十一一篇名碩陳人也七十一子之弟子

魏文侯

六篇

李克

七篇子夏弟子為魏文侯相

公孫臧子

二十八篇七子之弟子

孟子

十一篇名軻鄒人子思弟子有列傳師古曰聖證論去軻字子車而此志無字未詳其所得

孫卿子

三十三篇名況趙人荀卿避宣帝諱故曰孫卿

芋子

十八篇名嬰齊人也七十後師古曰芋音弭

內業

十五篇不知作書者

周史六弢

六篇惠襄之間或曰顯王時或

言取天下及軍旅之事破字與切同也蓋

周法

九篇法天

調言

十篇不知作者陳人君法度不知如淳曰調音

家語

一篇似河間所述也孔子所造非也

功議

四篇不知作

甯越

一篇中牟人為周威王師

王孫子

一篇曰巧心

公孫固

一篇十八章齊閔王失國問之固因為陳古今成敗也

李氏春秋

二篇

羊子

四篇百章故秦博士

董子

一篇名無心難墨子

俟子

一篇李奇曰或作岸子

徐子

四十二篇  
宋外黃人

魯仲連子

十四篇  
有列傳

平原老

七篇  
朱建也  
一作君  
宋

虞氏春秋

十五篇  
虞卿也

高祖傳

十三篇  
高祖與大臣  
述古語及詔策也

孝文傳

十二篇  
文帝  
所稱及詔策

陸賈

二十三篇

劉敬

三篇

賈山

八篇

太常蓼侯孔臧

十篇  
父聚  
高祖時以

功臣封  
臧嗣爵

賈誼

五十八篇

河間獻王

三篇

董仲舒

百二十  
三篇

兒寬

九篇

公孫弘

十篇

終軍

八篇

吾丘壽王

六篇

虞丘說

一篇  
孫卿也

莊助

四篇

臣彭

四篇

鉤盾宄從李步昌

八篇  
宣  
帝時數

言事  
宋祁  
曰兄當作宄

儒家言

十八篇  
不知作者

相寬鹽鐵論

六十篇  
師古曰寬字次公汝南人也孝  
昭帝時丞相御史與諸賢長文學論鹽

鐵事寬  
撰次之

劉向所序

六十七篇  
新序  
說苑世說列女

傳頌  
圖也

楊雄所序

二十九篇  
法言十三

樂四  
歲二

伊尹

五十一  
篇湯相

太公

二百三十七篇  
呂望為周師尚父本有道者或  
有近世又以為太公術者所增加也師古曰父

讀曰  
甫也

謀

八十一篇

言

七十一篇

兵

八十五篇

辛甲

二十九篇  
紂臣七十  
五諫而去周封之

鬻子

二十二篇  
名熊為周  
師自文王以下問焉

周封為楚祖師古

曰鬻音弋六反以兵車也有列傳師古曰莞讀與管同

傳其學

莞子 八十六篇名夷吾相齊相公九合諸侯不

老子鄰氏經傳 四篇姓李名耳鄰氏

老子傳氏經說 三十七篇述老子學

老子徐氏經說 六篇字少季臨淮人傳老子

劉向說老子 四篇

文子 九篇老子弟子與孔子並時而稱周平王

蛸子 十三篇名淵楚人老子弟子師古曰蛸姓

關尹子 九篇名喜為關吏老子過關喜去吏

莊子 五十二篇名周宋人

老成子 十八篇

王狄子 一篇

列子 八篇名園寇先莊子莊子稱之

長盧子 九篇楚人

公子牟 四篇魏之公子也先莊子莊子稱之

田子 二十五篇名駢齊人游稷下號天口駢師

老萊子 十六篇楚人與孔子同時

黔婁子 四篇齊隱士守道不詘威王下之反下音胡稼反

宮孫子 二篇師古曰宮孫姓也古曰宮

以鷓為冠 周訓 十四篇師古曰劉向別錄云人問小書其

黃帝銘 六篇

雜黃帝 五十八篇六國時賢者所作

帝相

捷子 二篇齊人武帝時說

黃帝君臣 十篇起六國時與老子相似也

力牧 二十二篇六國時所

孫子 十六篇六國時

楚子 三篇

問似依託者也

也音一

而從

古曰駢音步田反

師古曰黔音其炎

孫姓也古曰宮

以鷓為冠

言俗薄

時賢者所作

武帝時說

武帝時說

鄒子四十九篇名衍齊人為燕昭王師居稷下號談天衍

容成子十四篇

張蒼十六篇丞相北平侯

李子三十二篇名埋相魏文侯富國強兵

商君二十九篇名鞅姬姓衛後也相秦孝公有

列傳

申子六篇名不害京人相韓昭侯終其身諸侯

不敢侵韓師古曰京河南京縣

處子九篇師古曰史記云趙有處子

慎子四十二篇名到先申韓申韓稱之

韓子五十五篇名非韓諸公子使秦李斯害而

殺之

游棣子一篇師古曰棣音徒計反

鼂錯三十一篇

鄧析二篇鄭人與子產並時師古曰列子及孫

御並云子產殺鄧析據左傳昭公二十年子產卒定公九年駟猷殺鄧析而用其竹刑則非子產所殺也

尹文子一篇說齊宣王先公孫龍師古曰劉向云與宋鉅俱游稷下鉅音形

公孫龍子十四篇趙人師古曰即為堅白之辯者

惠子一篇名施與莊子並時 田俅子三篇先韓子蘇林曰俅音仇

我子一篇師古曰劉向別錄云為墨子之學 隨巢子六篇墨翟弟子

胡非子三篇墨翟弟子 墨子七十一篇名翟為宋大夫在孔子後

蘇子三十一篇名秦有列傳 張子十篇名儀有列傳

闕子一篇 國筮子十七篇

鄒陽七篇 主父偃二十八篇

徐樂一篇 孔甲盤盂二十六篇黃帝之史或曰夏帝

皆非孔甲似皆非 大命三十七篇傳言禹師

古曰命古禹字宋祁曰一作命 五子胥八篇名負春秋時吳將忠直遇讒死

子晚子

三十五篇齊人好議兵與司馬法相似

蒯子

五篇名通

由余

三篇戎人秦穆公聘以為大夫

尉繚

二十九篇六國時師古曰尉姓繚名也音

了又音聊劉向別錄云繚為商君學

尸子

二十篇名佼魯人秦相商君師之鞅死佼

逃入蜀師古曰佼音絞

呂氏春秋

二十六篇秦相呂不韋輯智略

士作

淮南內

篇二十一

淮南外

三十三篇師古曰內篇論道外篇雜邵本作新

東方朔

二十篇

荆軻論

五篇軻為燕刺秦王不成而死司馬

相如等論之

吳子

一篇

公孫厓

一篇

伊尹說

二十七篇其語淺薄似依託也

鬻子說

十九篇後世所加

周考

七十六篇考周事也

青史子

五十七篇古史官記事也

師曠

六篇見春秋其言淺薄本與此同似因託也

務成子

十一篇稱堯問非古語

宋子

十八篇孫卿道宋子其言黃老意



隋書經籍志

隋代羣書始開皇三年牛弘表請搜訪於是異書間出平陳後經籍稍該召工書者於祕書補續殘闕為正副本一藏宮中一入祕府煬帝立別錄副本分三品上軸紅琉璃中紺琉璃下用漆東都及觀文殿藏焉又聚魏以來古迹名繪於二閣此為奇矣而唐舟沉於砥柱存不一二為之嗟惜隋志之作盡出瀛洲學士之手可謂極一時史筆之妙而志甚淆雜乏詮彙之工因

為輯之難哉

晏子春秋 七卷 齊大 晏嬰撰

曾子 二卷 魯國曾參撰

子思子 七卷 魯穆公 師孔伋撰

公孫屋子 一卷 屋似 孔子弟子

孟子 十四卷 齊 孟軻撰 趙岐注 鄭玄注 七卷 劉熙注 七卷 蔡母邃注 七

孫卿子 十二卷 楚 蘭陵令荀况 撰 梁有王孫子一卷 七

董子 一卷 戰國時 董無心撰

曾連子 五卷 錄一卷 曾連齊人不仕 稱

生為先

賈子 一卷 漢 梁太傅 賈誼撰 十卷 錄

楊子法言 十五卷 楊雄撰 李軌注 六卷 宋 裴注 十三卷 侯苞注 七

楊子太玄經 十卷 楊雄自 作章句 七 宋 裴注 九卷 王肅注 七

陸績 宋 裴注 十卷 蔡文邵注 十四卷 虞翻注 十三卷 陸凱注 七卷

桓子新論 十七卷 後漢 六 安 桓譚撰

魏子 三卷 後漢 會 稽人魏朗撰

牟子 二卷 後漢 太 尉牟融撰

典論 五卷 魏 文帝撰

新語 二卷 陸 賈撰

新序 三十卷 劉向撰

潛夫論 十卷 王 符撰

中鑒 五卷 荀 悅撰

徐氏中論 六卷 魏 太子 徐幹撰

王子正論 十卷 王 肅撰

杜恕體論 四卷 魏 幽州 刺史杜恕撰

顧子新語 十二卷 吳 太 常顧譚撰

譙子法訓 八卷 譙 周撰

袁子正論 十九卷 袁 準撰

新論 十卷 晉 散騎常 侍夏侯湛撰

志林新書 三十卷 又 後 林 梁有 虞喜撰

要覽 十卷 晉 郡 儒 林 祭酒 呂諫撰

鬻子

周文王師鬻熊撰一卷

老子

河上丈人注二卷  
蜀才注亡

羊祜

注二卷

巨野

注二卷

張憑

注二卷

盧景裕

注二卷

嚴遵

拍歸十一卷

顧歡

義綱一卷

韋處

玄義疏四卷

戴詵

義疏九卷

葛仙翁

雜論一卷

梁簡文帝

云示一卷

劉遺民

玄機三卷

山琮

志一卷

李軌

音一卷

又徐邈

集音三卷

向秀

音一卷

梁曠

音三卷

卷魏安成令

桓威撰亡

莊成子

十二卷  
梁有蹇子一卷  
今亡

抱朴子

葛洪撰  
外內篇共五十一卷

符子

二十卷  
東晉符朗撰

廣成子

十三卷  
太衡注  
商洛公撰  
疑近人作

管子

十九卷  
管夷吾撰

張嗣會注二卷

王尚述注二卷

劉仲融注二卷

袁真注二卷

梁惠琳注二卷

母丘望之拍趣三卷

孟智周義疏五卷

梁武帝講疏六卷

何晏序訣一卷

何王等私記十卷

韓壯玄譜一卷

宗塞幽易五卷

孫登音一卷

戴逵音一卷

嚴機講疏二卷

梁曠南華論二十五卷

徐邈音一卷

郭象音一卷

周弘正講疏八卷

李頤注十八卷

莊成子

十卷  
魏河東太守任

任子

撰梁有渾輿經

唐子

十卷  
唐滂撰

孫子

十二卷  
孫綽撰

商君書

五卷  
秦相衛鞅撰

慎子 十卷 慎到撰

墨子 十五卷 夫墨翟撰

昌言 十二卷 長統撰

胡非子 一卷 墨翟撰

呂氏春秋 二十卷 呂不韋撰

論衡 三十卷 王充撰

傅子 一百二十卷 傅玄撰

樂一注

子抄 三十卷 庾仲容撰

世說 八卷 宋劉義慶撰

韓子 韓非撰

隨巢子 一卷 墨翟撰

蔣子萬機論 八卷 蔣濟撰

尸子 二十卷 尸佼撰

淮南子 二十卷 王劉安撰

風俗通義 三十卷 應劭撰

鬼谷子 三卷 皇甫謐注

金樓子 十卷 梁元帝撰

燕丹子 一卷

亢桑子 二卷 天寶元年詔莊子為南華真經列子為仲虛真經文子為通玄真經然亢桑子求之不獲襄陽處士王士元謂莊子作庚桑子太史公列

子作亢倉子其實一也取諸子文義類者補其亡

牟子 一卷 牟融撰

太公金匱 二卷 齊將田穰

尉繚子 五卷 梁惠王游人

孫子 二卷

司馬兵法 三卷

唐書藝文志

唐因漢略類經史子集為四至開元尤盛  
凡五萬四千卷唐學者自為書二萬八千  
五百卷初隋嘉則殿書卷三十七萬太府  
卿宋遵貴運入京覆于砥柱正觀中魏徵  
虞世南顏師古繼為祕書監請構書選五  
品以上子孫工書者書藏于內以宮人掌  
之宮人任籤帙之責繆矣元宗詔馬懷素  
褚無量整比於乾元殿東序請相宋璟蘇  
頲同署如貞觀故事後大明宮東都各創

集賢書院學士通籍支月給蜀郡麻紙季  
給上谷墨歲給河間景城清河博平四郡  
兔千五百皮為筆材各聚四部本有正副  
軸帶帙籤亦異色安祿山反尺簡不藏元  
載相奏以錢一千購一卷文宗時侍講鄭  
覃言經籍未備詔祕閣搜訪乃復完黃巢  
亂又益少昭宗播遷在京制置使孫惟晟  
歛書寓教坊於祕閣詔以書還既徙洛蕩  
無遺矣今稽藝志殊虧詮叙書之涉於瑣  
瑣有不可以入子類者合分別錄若不可

淆錯如此也裁之

晏子春秋

七卷  
晏嬰

曾子

二卷  
曾參

子思子

七卷  
孔伋

公孫尼子

一卷

孟子

十四卷  
鄭玄注七卷  
蔡母遠注七卷  
張鑑音義三卷

趙岐注十四卷

劉熙注七卷

荀卿子

十二卷

陸善經注七卷

楊倞注二十卷

董子

一卷  
董仲舒  
無心

曾連子

一卷  
曾仲連

陸賈新語

一卷

賈誼新書

一卷

桓寬鹽鐵論

十卷

劉向新序

三十卷

劉向說苑

三十卷

揚子法言

六卷  
揚雄

宋衷注十卷  
柳宗元注十三卷

李軌注十卷

楊子太玄經十二卷

陸績注十二卷  
真翻注十四卷

范望注十二卷  
蔡文邵注十二卷  
劉緝注十四卷

宋仲孚注十二卷  
王涯注六卷  
真傲幽贊十卷

桓子新論十七卷

王符潜夫論十卷

仲長子昌言十卷  
長統

荀悅申鑒五卷

魏文帝典論五卷

徐氏中論六卷  
徐幹

王肅政論十卷

杜氏體論四卷  
杜恕

顧子新論五卷  
顧譚

譙子法訓八卷

王嬰通論三卷

夏侯湛新論十卷

楊泉物理論十六卷

王通中說五卷

華譚新論十卷

虞喜志林三十卷  
又後書十卷

顧子義訓十卷  
顧夷

干寶正言十卷  
又立言十卷

王劭讀書記三十卷

盧辯墳典三十卷

魏子三卷  
魏朗

譙子五卷  
譙周

周生烈子五卷

袁子正書三十五卷  
袁準

崔子至言六卷  
靈童

杜信元和子二卷

鬻子一卷  
馮行珪注

老子河上公注二卷  
又指列二卷

王弼注二卷  
蜀才注二卷

鍾會注二卷  
孫登注二卷

王尚注二卷  
羊祐注二卷

袁真注二卷  
劉仲熊注二卷

樹鍾山注二卷  
陳嗣古注二卷

惠嚴注二卷  
義盈注二卷

揚上善注二卷  
玄宗注二卷

刑南和注二卷  
白履忠注二卷

尹知章注並亡  
成玄英注二卷

任真子集解四卷  
盧景裕等注二卷

王肅玄言二卷  
嚴遵指歸十四卷

梁武帝講疏十卷  
孟智周義疏五卷

葛洪序訣二卷  
劉遺民玄譜一卷

張憑注二卷  
陶弘景注四卷

李允愿注二卷  
僧惠琳注二卷

鳩摩羅什注二卷  
傅奕注二卷

辟間仁諳注二卷  
盧藏用注二卷

馮朝隱注  
李播注

吳善經注二卷  
孫思邈注二卷

張道集注四卷  
丘望之章句二卷

梁曠經品四卷  
何晏講疏四卷

顧歡義疏五卷  
戴詵義疏六卷

韓莊玄音二卷  
馮廓指歸十三卷

賈大隱遺義十卷  
陸希聲經傳四卷  
李軌音一卷

陳庭玉疏十五卷  
成玄英疏七卷

鷓冠子 三卷

列子 八卷 冠張湛注

莊子 十卷  
劉向注二十卷

司馬彪注二十一卷  
楊上善注十卷

李頤集解二十卷  
李充釋論二卷

王穆疏十七卷  
成玄英注疏十四卷

元載通微十卷  
注甘暉注魏包注李含光

廣成子 十二卷  
張太衝注

文子 十二卷  
靈府注

唐子 十卷  
唐滂

音一卷  
張隱居指要三十三卷  
孫思邀注柳縱注尹知章

梁簡文講疏三十卷  
王玄古集解二十卷

陸德明文句義十卷  
音一卷

郭象注十卷  
崔譔注十卷

音一卷  
音一卷

音一卷  
音一卷



蘇子七卷

宣子二卷

陸子十卷

抱朴子四十一卷

孫子十二卷

符子三十卷

賀子十卷

亢倉子二卷

經列子為冲虛真經文子為通玄真經亢倉子為南華真經真經然亢桑子太史公列子作亢倉子其實一也取諸子文義類者補甚云

牟子一卷

尉繚子六卷

呂氏春秋二十六卷

淮南子二十一卷

王充論衡三十卷

應劭風俗通義三十卷

王肅政論十卷

鍾會菟苑論五卷

傅子百二十卷

抱朴子二十一卷

金樓子梁元帝

陸士衡要覽三卷

崔豹古今注三卷

孟儀子林二十卷

薛克構子林三卷

沈約子鈔三十卷

庾仲容子鈔十卷

范子計然十五卷

王方慶世說十卷

盧藏用子書要略一卷

馬摠意林三卷

燕丹子一卷

周書陰符九卷

周呂書一卷

司馬法田穰直三卷

孫子三卷

唐志有陸景典訓譙子法訓周捨正覽劉徽欽器圖  
之類非合登子錄又帝範臣執政範諫苑之書尤非  
其類如此者數十家裁之

子鈔

梁諮議參軍庾仲容潁川人

子鈔百十有七家仲容所取或數句或一  
二百言是有以契其意入其用而他人不  
可共享者也馬摠意林一遵庾目多者十  
餘句少者一二言比子鈔更爲取之嚴錄  
之精且約也戴叔倫序其書曰上以防守  
教之失中以補比事之闕下以佐屬文之  
緒有疏通廣博潔淨符信之要無辭放拘  
刻激蔽邪蕩之患亦足以發其機寫其志

矣孔子曰雖小道亦有可觀是於諸子未嘗廢也聖人既遠承學易殊義嚮之少純言議之多詭則百氏之為家不能盡叶乎一亦理之所必然也當篇藉散闕人所未見之時而乃先識其名又得其語斯足以廣聞見助發揮何止嘗鼎臠啖雞蹠也陸機氏曰傾羣言之瀝液漱六藝之芳潤唐韋

展日月如合璧賦云獵英華於百氏漱芳潤於六籍語自此來是庶幾焉

揔唐貞元中任評事字會元扶風人

鷓鴣子 藝文志曰名熊著子十

太公金匱 二卷

太公六韜 六卷

曾子 合十八卷

晏子 十四卷

子思子 七卷

孟子 廿四卷

管子 十八卷

魯連子 五卷

文子 十二卷同平王時人師老子

鄧析子 二卷

范子 十二卷

墨子 十六卷

纏子 一卷

隨巢子 一卷

胡非子 一卷

尸子 二十卷

韓子 二十卷

列子 八卷

莊子 十卷

鶡冠子 三卷

王孫子 一卷

慎子 一卷

申子 三卷

燕丹子 三卷

鬼谷子 五卷

尹文子 二卷

公孫丘子 一卷

陸賈新語 二卷  
十篇

晁錯新書 二卷

賈誼新書 九卷

呂氏春秋 三十卷  
六卷

淮南子 二十卷  
二卷

巨寬鹽鐵論 十卷

劉向新序 三十卷

劉向說苑 二十卷

揚子法言 十五卷

楊雄太元經 十五卷

桓譚新論 十七卷

王充論衡 三十卷

崔元始正論 五卷

王符潜夫論 十卷

應劭風俗通

商子 五卷

阮子 四卷

姚信士緯 十卷

殷興通論 八卷

抱朴子 五十卷

王叔師正部 六卷

牟子論 一卷

周生烈子

荀悅申鑒

仲長昌言 十二卷

魏文帝典論 五卷

魏子 十卷  
魏朗

劉邵人物志 三卷

任子 十卷  
任弁

杜恕篤論 四卷

杜恕體論 四卷

傅子 一百二十卷  
傅咸

唐子 十卷  
唐儔

秦子 二卷

楊泉物理論 十六卷

蔡氏化清經 一卷

孫敏成敗志 三卷

徐幹四論 八卷

譙周法論 八卷

顧譚新言 二卷

陸景典論 十卷

裴玄新言 五卷

袁準正論

梅子新書 一卷

楊泉太元經

鄒子 一卷

王嬰通論 三卷

蔣濟萬機論 八卷

譙周五教 五卷

鍾會芻蕘論 五卷

張儼默記 三卷

袁準正書

蘇子 八卷

桓範世要 十卷

夏侯湛新論 十卷

虞喜志林 二十四卷

諸葛子 一卷

符子 二十卷

本草經 六卷

相馬經 二卷

周髀 三卷

孫子兵法 三卷

汜勝之書 二卷

陸子 十卷

張顯枿言 十卷

顧子 十卷

陳子要言 十四卷

神農本草經 六卷

相牛經 一卷

相鶴經 一卷

司馬兵法 三卷

黃石公記 三卷

夢書 十五卷

貝書 十卷

淮南萬世術 一卷

九章算術 三卷

張華博物志 十卷

戴凱之竹譜 一卷

筆墨法

通志藝文略

樞密院編修官莆田鄭樵漁仲譔

本朝藏書家最稱參政蘇公宣獻宋公文忠歐陽公又稱丞相蘇公丞相宋公兄弟而尤盛於邯鄲李氏李氏其目足以與祕府敵

中興以來垂意收拾篤且富無如鄭氏雖曰包活諸氏囊括百家厥功甚茂然秩繁歸彙亦欠理擇是又失於患多者也似孫嘗閱天祿石渠書 書一也無異書

二也雜以今人所作非太甚三也而只  
攷訂欠精彙類欠確一也所合下 詔更  
加求訪一也其書無祕副每出外輒易毀  
失一也當必有能任其事者既采鄭氏目  
入予子略為之太息

晏子春秋

七卷齊大  
夫晏嬰

曾子

二卷魯  
國曾參

子思子

七卷魯穆  
公師孔伋

漆雕子

十三篇漆  
雕開後

宓子

十六篇孔  
子弟子宓不齊

卞子

名碩陳人七十  
子之弟子二十一篇

公孫丘子

一卷七十  
子弟子

孟子

十四篇齊  
孟軻趙岐注

鄭玄注七卷  
蔡母邃注七卷

劉熙注七卷  
陸喜經注七卷

張鑑音三卷

孫奭音二卷

續孟子

二卷唐林  
慎思撰

刪孟子

一卷馮  
休撰

荀卿子

十二卷楚蘭陵令  
荀况揚涼注二卷

芊子

十八篇齊人芊  
嬰七十子之後

王孫子

一卷

羊子

四篇秦博士  
羊百章撰

徐子

四十二篇  
宋外黃人

魯仲連子

五卷齊人魯連  
不仕稱先生

賈子

十卷漢梁太  
傅賈誼撰

秦子

三卷

何子

五卷

劉子

三卷梁  
劉勰撰

揚子法言

解一卷揚雄撰  
侯苞注六卷

元子新論

十七卷後漢  
安丞元譚撰

魏子

二卷後漢會  
稽人魏明撰

牟子

一卷後漢太  
學撰

司馬光集注十三卷

柳宗元注十三卷

王子政論 十卷 蕭撰

顧子新 二卷 顧譚撰

譙子法訓 八卷 譙周撰

譙子五教志 五卷

周生烈子 五卷

袁子正論 二十卷 袁準撰

袁子正語 二十五卷

顧子義訓 十卷 晉楊州主簿顧夷撰

崔子至言 六卷

賈子 一卷

元子 十卷 元結撰

元和子 二卷 杜信撰

伸蒙子 三卷 唐朴慎思撰

冀子 五卷

傅子 五卷 晉司隸校尉傅元撰

鮑子 一卷 趙麟撰

素履子 一卷 張弧撰

東莞子 十卷

尚子新書 三卷 商孝逸撰

孫綽子 十卷

樊子 三十卷 樊宗師撰

老子 古本二卷 河上丈人注二卷

又章句二卷

嚴遵注二卷 又指歸十一卷

鍾會注二卷

羊祐注二卷

又解釋四卷

孫登注一卷

汪尚注二卷

又音一卷

劉仲融注二卷

袁真注二卷

曹道冲注二卷

張憑注二卷

盧景裕注二卷

陶景注二卷

鍾植山注二卷

陳嗣古注二卷

李允愿注二卷

僧惠琳注二卷

鳩摩羅什注二卷

梁義盈注二卷

偃松子注二卷

道士李榮注四卷

李納注四卷

碎問仁謂注二卷

唐明皇注二卷



具善經注一卷

成元英注一卷

李軌疏一卷

戴逵疏一卷

趙至堅疏一卷

王顧等疏一卷

梁武帝疏八卷

任真子集注四卷

又義道相集注四卷

王弼節略二卷

韓莊節略二卷

又元指八卷

賈善坤傳三卷

呂氏昌言二卷

李昉音解二卷

莊子郭象注十卷

崔譔注十卷

揚上善注二卷

盧藏用注二卷

李若愚注一卷

孟智周疏一卷

韋處元疏一卷

江徵疏二卷

賈青夷疏四卷

何晏疏四卷

政和御集注二卷

程韶集注二卷

顧歡義疏一卷

又章門一卷

指例略二卷

賈大隱述義十卷

元景先生簡要義五卷

崔少元心鑑一卷

王守注心鑑一卷

向秀注二十卷

司馬彪注十六卷

音一卷

又疏三卷

楊上善注十卷

盧藏用注十二卷

又疏十二卷

張昭補注十卷

又疏十卷

李叔之義疏三卷

張機疏二卷

外音義一卷

馮廓正義十卷

張隱居指要三十六篇

李充論二卷

賈參廖統略三卷

李頤集解二十卷

王元集解二十卷

晉李頤注三十卷

孟氏注十八卷

道士成元英注三十卷

四家注十五卷

徐邈疏三卷

戴詵八卷

周宏正講疏八卷

梁簡文帝講疏三十卷

又內音義一卷

陸德明句義三十八卷

又句義二十卷

陳景朝內要一卷

又餘事一卷

又通真論三卷

甄一卷

賈善翔直音一卷

鬻子一卷 唐鄭縣尉逢行注 王觀注三卷

列子

八卷 鄭穆公時隱者

加冲虛真經 本朝加至經

晉張湛注八卷

盧重光注八卷

釋文一卷

統略一卷

鶡冠子

三卷 楚隱人

莊成子

十二卷

蹇子

一卷

唐子

十卷 吳唐滂撰

蘇子

七卷 晉北中郎參軍蘇彥撰

宣子

二卷 晉宣城令宣聘撰

陸子

十卷 陸雲撰

幽求子

二十卷 杜英撰

抱朴子

葛洪撰 內篇二十卷 外篇三十卷

符子

二十卷 東晉符明撰

賀子

十卷 宋太學博士賀道養撰

少子

五卷 齊司徒左長史張融撰

無名子

一卷 張衡撰

元子

五卷

廣成子

十三卷 商洛撰張木衡注

亢倉子

三卷 老聃之徒庚桑楚撰 王士元注音略一卷

無能子

三卷 唐光啓中隱者不得名氏

同光子

八卷 劉無待撰

元真子

三卷 張志和撰

連觀子

一卷

淨注子

二十卷 蕭子良撰

天隱子

一卷

元中子

三卷 杜暉撰

元笈子

一卷 瑒撰

素履子

一卷

任子道論

一卷 魏河東太守任昉撰

赤松子

一卷 陳搏撰

管子

十八卷 齊相夷吳撰 漢劉向錄校

唐尹知章注舊有三十卷今存十九卷

慎子一卷戰國時處士慎到撰舊有十卷漢有四

韓子二十卷韓非撰唐分十卷今亡九卷二十七篇

陳子要言十四卷吳豫章太守陳融撰

尹文子二卷尹文處士撰

公孫龍子一卷戰國時人撰

隨巢子一卷墨翟弟子撰

董子一卷戰國時董無心撰其說本墨氏

鬼谷子三卷皇甫謐注鬼谷先生楚人也生

補闕子十卷梁元帝撰

尸子二十卷秦相衛鞅上客尸佼撰

淮南子二十一卷漢淮南王劉安撰

金樓子十卷梁元帝撰

子鈔三十卷梁黠令庾仲容撰云諮議參軍鈔

子書要略一卷盧藏用撰

子林三十卷薛克撰

子談論三卷

范子計然十五卷

燕丹子一卷丹喜木子撰

宋玉子一卷楚大宋玉撰

青史子一卷

郭子三卷東晉中郎郭澄之撰賈泉注

倚杆子一卷元結撰

炙轂子五卷唐王叡撰

乾驥子一卷溫庭筠撰

太公六韜五卷

太公金匱二卷

司馬兵法 三卷

孫子 三卷

吳子 一卷

尉繚子 五卷 梁惠王時人

子略卷一

高氏 似孫 續古

黃帝陰符經

觀天之道執天之行盡矣故天有五賊見之者昌五賊在心施行於天宇宙在乎手萬化生乎身天性人也人心機也立天之道以定人也天發殺機日月星辰地發殺機龍蛇起陸人發殺機天地反覆天人合發萬變定基性有巧拙可以伏藏九竅之耶在乎三要可以動靜火生於木禍發必剋姦生於國時動必潰知之修練謂之聖人天地萬物之盜萬物人之

人萬物之盜三盜既宜三才既安故曰食其時百骸  
理動其機萬化安人知其神而神不知不神所以神  
日月有數大小有定聖功生焉神明出焉其盜機也  
天下莫不見莫能知君子得之固窮小人得之輕命  
瞽者善聽聾者善視絕利一源用師十倍三反晝夜  
用師萬倍心生於物死於物機在目天之無恩而大  
恩生迅雷烈風莫不蠢然至樂性餘至靜則廉天之  
至私用之至公禽之制在氣生者死之根死者生之  
根恩生於害害生於恩愚人以天地文理聖我以時  
物文理哲自然之道靜故天地萬物生天地之道浸  
陽相勝之術昭昭乎進乎象矣

陰符經

陰符經注

太公等注

一卷十家

七家注

一卷

李靖注

一卷李筌

張杲注

一卷

袁淑真注

一卷

蕭真宰注

一卷

黃居真注

一卷

沈亞夫注

一卷

任照一注

一卷

蹇昌辰注

杜光庭注 一卷

陸佃注 一卷

李靖陰符機 一卷

陰符太無傳 一卷  
張果傳得於道藏

陰符正義 一卷  
章洪唐

陰符要義 一卷

李筌妙義 一卷  
驪山母傳

陰符辨命論 一卷  
張果

陰符元談 一卷  
元解先

陰符經 一卷  
杜光庭

陰符十德經 一卷  
葛洪

陰符經疏 一卷  
袁淑真

陰符經頌 一卷  
元子葛洪

陰符經 一卷  
無子撰

陰符頌 三卷  
張卿撰

陰符元義 一卷  
張魯唐

陰符丹經 一卷  
山長防

陰符丹經 一卷  
山母注

陰符序 一卷  
李筌

陰符經訣 一卷

陰符經序 一卷

陰符五賊義 一卷

陰符小解 一卷

陰符天機經 一卷

陰符解題 一卷

陰符丹經解 一卷

陸龜蒙讀陰符經詩

清晨整冠坐 卽詠三百言 備識天地意 獻詞犯乾坤  
何事不隱德 降靈生軒轅 口銜造化斧 鑿破機關門  
五賊忽迸逸 萬物爭崩奔 虛施神仙要 莫救華池源  
但學戰勝術 相高甲兵屯 龍蛇競起陸 鬪血浮中原  
成湯與周武 反覆更為尊 下及秦漢得 瀆弄兵亦煩  
姦強自休據 仁弱無枝蹲 狂喉咨咨噬 逆翼爭飛翻

家家伺天發不肯匡淫昏生民墜塗炭此屋為冤魂  
祇為謹此書大樸難久存微臣與軒轅亦是萬世孫  
未能窮意義豈敢求瑕痕曾亦愛兩句可與賢達論  
生者死之根死者生之根方寸了十字萬化皆胚渾  
身外更何事眼前徒自喧黃河但東注不見歸崑崙  
晝短苦夜永勸若傾一樽

皮日休讀陰符經詩

三百八十言出自伊祁氏上以生神仙次云立仁義  
玄機一以發五賊紛然起結為日月精融作天地體  
不側似陰陽難名若神鬼得之昇高天失之沈厚地

具茨雲木老大塊煙霞委似顛頊以降賊為聖人軌  
堯乃一庶人得之賊帝摯摯見其德尊脫身授其位  
舜惟一鰥民冗冗作什器得之賊帝堯曰丁作天子  
禹本刑人後以功繼其嗣得之賊帝舜用以平降水  
自禹及文武天機惓然施姬公樹其綱賊之為聖智  
聲詩川競大禮樂山爭峙爰從幽厲餘宸極若孩稚  
九伯真大彘諸侯實虎兕五星合其耀白日下闕里  
由是生聖人於焉當亂紀黃帝之五賊拾之若青紫  
高揮春秋筆不可刊一字賊子虐甚所姦臣痛於堯  
至今千餘年蚩蚩受其賜時代更復改刑政崩且陔

余將賊其道所動多訛毀叔孫與臧倉賢聖多如此  
如何黃帝機吾得多坎躓

陰符經

似孫曰軒轅氏鑿天之奧洩神之謀著書曰陰符雖  
與八卦相表裏而其辭其旨涉乎幾入乎深唯深也  
故能通天下之志唯幾也故能通天下之蹟唯神也  
故不疾而速不行而至軒轅氏皆有得於此者堯舜  
禹以徠皆精一危微行所無事之時陰符之學無所  
著見豈非行之於心仁於天下者乎湯武有誓韜匱  
有兵八陣有圖遂皆用此以神其武而况有風后握

竒一書又爲之經緯乎此黃帝心法而後世以爲兵  
法者是以此書見之兵家者流殆未曾讀陰符矣嗚  
呼若符之學一乎兵則黃帝之所以神其兵者豈必  
皆出於此哉古之聰明叡知神武而不殺故通其變  
使民不倦神而化之使民宜之此爲陰符之機矣其  
曰天有五賊見之者昌此又出於羲畫之表人固有  
五賊特莫之見耳若能見之何止乎昌耶夫子曰老  
而不死之謂賊此之謂也皮日休之言竒矣皮日休  
和陸龜蒙讀陰符詩有曰三百八十言出自伊耆氏  
皮氏所見亦今本耳



風后握奇經

馬隆本作握機叙云風后軒轅臣也握者機也  
大將所居言其事不可妄示人故云握機  
又稱諸子總有三本其一一本三百六十字  
本三百八十字蓋呂尚增字以發明之其一  
行簡有公孫弘等語或云武帝令霍光等習  
之於平樂館以輔少主備天下之不虞令本  
字衍四

八陣四為正四為奇

舊注奇讀如字後人說天地風  
雲為四正龍虎鳥地為四奇公

孫弘曰世有八卦陣法其既不用  
奇正似非風后所傳未可參用  
餘奇為握奇舊注  
如奇耦之奇解云說奇正者多矣而握奇云者四為  
正四為奇餘奇為握奇陣數有九中心奇零者大將  
握之以應赴或總稱之先出遊軍定兩端天有衝圓  
八陣之急與

地有軸前後有衝

一作有

風附於天雲附於地衝有

重列各四隊前後之衝各三隊風居四維故以圓軸  
單列各三隊前後之衝各三隊風居四角故以方天  
居兩端地居中間總為八陣陣訖遊軍從後躡敵或  
驚其左或驚其右驚一作警聽音望麾以出四奇

天地之前衝為虎翼風為蛇蟠圍繞之義也虎居於  
中張翼以進蛇居兩端向敵而蟠以應之天地之後  
衝為飛龍雲為鳥翔突擊之義也龍居其中張翼以  
進鳥掖兩端向敵而翔以應之虛實二壘一作軍皆逐  
天文氣候向背山川利害隨時而行以正合以奇勝  
天地以下八重以列或曰握機望敵即引其後以指

角前列不動而前列先進以次之公孫弘曰傳項氏陣法依此今按而

前列等八字舊文在依此注下誤也故遷次以成文或合而為一因離而為八

各隨師之多少觸類而長

天或圓而不動一作天或前為左後為右天地四望

之屬是也一本下有風象二字天居兩端其次風其次雲一作

後衝之前天居兩端其次地居中間一作其次地兩

地為比是也公孫弘曰此為地為從天陣變為地陣

為動也一本自公孫弘曰此為地為從天陣變為地陣

動靜二義皆雜出經文中縱布天一一作兩字而縱字上

有雲象龍一龍天二次之作兩天一縱布地四次於天

一作龍者象龍

後一作縱布四地四地字縱布四風挾天地之左右無

地字天地前衝居其右後衝居其左地一字無二句一無居其右

後衝五字雲居兩端虛實二壘則此是也動一本下有此無

虛實已下公孫弘曰人多傳韓信注釋天或圓布已

於其中其部隊或三五或三十或五十變通之理寄

以相傳授予今於難解之處增字發明之耳一本其

也按公孫氏稱與其異者天或負布次遊軍定兩端

馬本尚如此

握奇經續圖

角音二

初警衆 末收衆

革音五

一持兵 二結陣 三行

四趨走 五急鬪

今音五

一緩鬪 二止鬪 三退

四背 五急背背一本

麾法五

一玄 二黃 三白

四青赤一作 五赤一作

旗法八

一天玄 二地黄

三風赤 四雲白

五天前上玄下赤

六天後上玄下白

七地前上玄下青一作赤

八地後上黃下赤一作青

陣勢八

天 地 風

雲 飛龍 翔鳥

虎翼 地蟠

二革二金為天 三革三金為地

二革三金為風 三革二金為雲

四革三金為龍 三革四金為虎

四革五金為鳥 五革四金為蛇舊注此八陣名

用金鼓之制

其金革之間加一角音者在天為兼風在地為兼

雲在龍為兼鳥在虎為兼蛇加二角音者全師進

東加三角音者全師進南一作西加四角音者全師

進西一作南加五角音者全師進北靴音不止者行

伍不整金革既息而角音不止者師並旋

三十二隊天衝 十六隊風

八隊天前衝 十二隊地前衝

十二隊地軸合作二隊八隊天後衝

十二隊地後衝 十六隊雲

以天地前衝為虎翼天地後衝為飛龍風為虵蟠雲為翔鳥

馬隆總述

治兵以信求勝以奇信不可易戰無常規可握則握可施則施千變萬化敵莫能知

匹陳讚

動則為奇靜則為陳陳者陳列戰則不盡分苦均勞佚輪轍 有兵前守後隊勿進

天陳讚

天陳十六內方外圓四面風衝其形象天為陳之主為兵之先潛用三軍其形不偏

地陳讚

地陳十二其形正方雲生四角衝軸相當其體莫測動用無疆獨立不可配之於陽

風陳讚

風無正形附之於天變而為蛇其意漸玄風能鼓動萬物驚焉蛇能圍繞三軍懼焉

雲陳讚

目太公范蠡以來風雲無正形所以附天地

雲附於地則知無形變為翔鳥其狀乃成鳥能突擊雲能晦冥千變萬化金革之聲

飛龍

天地後衝龍變其中有手有足有背有曾潛則不測動則無窮陳形亦然象名其龍

翔鳥

驚鳥擊搏必先翔翔勢凌霄漢飛禽伏藏審而下之

下必有傷一夫突擊三軍莫當

蛇蟠

風為蛇蟠蛇吞天真勢欲圍繞性能屈伸四季之中與虎為隣後變常山首尾相因

虎翼

天地前衝變為虎翼伏虎將搏盛其威力淮陰用之變化無極垓下之會魯公莫測

奇兵讚

古之奇兵兵在陳內今人奇兵兵在陳外兵體無形形露必潰審而為之百戰不昧

合而為一離而為八

合而為一平川如城散而為八逐地之形混混沌沌如環無窮紛紛紜紜莫知所終合則天居兩端地居其中散則一陰一陽兩兩相衝勿為事先動而輒從

遊軍

遊軍之形乍動乍靜避實擊虛視羸撓盛結陳趨地斷繞四徑後賢審之勢無常定

金革

金有五革有五退則聽金進則聽鼓鼓以增氣金以抑怒握其機關戰不失度

鞞鼓

紅塵戰深白刃相臨勝負未決人懷懼心乍犇乍背或縱或擒行伍交錯整在鞞音

麾角

麾法有五光目條流角音有五初驚末收麾者指揮角者驚覺臨機變化慎勿交錯光目一作光自

兵體

上兵伐謀其下用師棄本逐末聖人不為利物禁暴隨時禁衰蓋不得已聖人用之英雄為將夕惕乾乾舊闕其形不偏樂與身後勞與身先小人偏勝君子四字

兩全爭者逆德不有破軍必有亡國握機為陳動則為賊後賢審之勿以為惑夫樂殺人者不得志於天下聖人之言以戒來者

一作天下

似孫曰風后握奇經三百八十四字其妙本乎奇正相生變化不測蓋潛乎伏羲氏之畫所謂天地風雲龍鳥蛇虎則其為八卦之象明矣蓋注奇讀如奇耦之奇則尤可與易準諸儒多稱諸葛武侯八陣唐李衛公六花皆出乎此唐裴緒之論又以為六十四陣之變其出也無窮若此則所謂八陣者特八卦之統爾焦氏易學卦變至乎四十九十有六奇正相錯變


化無窮是所以名數該之乎然觀太公武韜且言牧野之師有天陣有地陣此固出於握奇而又有入陣焉此又出於天地陣之外者非八陣六花所能盡也獨孤及作風后八陣圖記有曰黃帝順煞氣以作兵法文昌以命將風后握機制勝作為陣圖故八其陣所以定位衡抗於外軸布於內風雲負其四維所次備物也虎張翼以進虵向敵而蟠飛龍翔鳥上下其勢所以致用也至若疑兵以固其餘地遊軍以窺其後列門具將發然後合戰弛張則二廣迭舉椅角則四奇皆出圖成罇俎帝用經略北逐獯鬻南平蚩尤



遺風冥冥神機未昧項藉得之霸西楚黥布得之奄  
 九江孝武得之攘匈奴唐天寶中客有得其遺制於  
 黃帝書之外篇裂素而圖之按魚復之圖全本於握  
 機蹟其妙窮其神者武侯而已獨孤乃以為項黥武  
 帝得之未之思歟

武侯八陣圖

附



似孫曰蜀漢丞相武鄉侯諸葛亮八陣圖其一圖在  
沔陽高平故壘酈道元水經以爲傾而難識矣其一  
圖有新都八陣鄉峙土爲魁植以江石四門二首六  
十四魁八八成行兩陣並峙周凡四百七十二步魁  
百有三十其一圖在魚復者隨江布勢填石爲規前  
障壁門後倚郤月縱八橫八魁容二丈內面偃月九  
六鱗差江自岷來奔怒湍激驚雷迅馬不足以敵其  
雄也徒華變滄不足窮其力也磊磊斯石載轟載樁  
知幾何年曾不一仄是非天所愛神所做者歟昔者  
風后以陣法佐黃帝戮蚩尤若變與神蓋出於握奇

經者也所謂經者本乎先天蹟乎八卦錯以九疇非  
武侯窺其幾洩其用四頭八尾脉落聯因隊相容隨  
形可首雖曰奇正迭變未有不出於正者故曰黃帝  
之師百戰百勝者此其得之桓温固嘗驚嘆以爲常  
山蛇杜甫又切感嗟稱其石不轉武侯之心則二子  
所未深知也惟王通氏以爲亮而無死禮樂可興吁  
知武侯者通乎昔者先王處民以井寄兵於民熟之  
以禮容用之以節制是誠不陣而可以服人兵者使  
武侯昌諸用勤諸功甘誓牧誓可也天不壽漢圖石如  
泣悲夫武侯又有將苑一卷十六策一卷

鬻子

魏相奏記載霍光曰文王見鬻子年九十餘文王曰噫老矣鬻子曰君若使臣捕武逐麇臣已老矣若使坐東國事臣年尚少文王善之遂以爲帥今觀其書則曰發政施仁謂之道上下相親謂之和不求而得謂之信除天下之害謂之仁其所以啓文王者決矣其與太公之遇文王有相合者太公之言曰君有六守仁義忠信勇謀又曰鷲鳥將擊卑飛翮翼武狼將擊弭耳俯伏聖人將動必有愚色尤決於啓文王者矣非二公之言殊相經緯然其書辭意大略淆雜若

大誥洛誥之所以為書者是亦漢儒之所綴輯者乎  
太公又曰天下非一人之天下天下之天下也奇矣  
藝文志叙鬻子名熊著書二十二篇今一卷六篇唐  
貞元間柳伯存嘗言子書起於鬻熊此語亦佳因錄  
之永徽中逢行珪為之序曰漢志所載六篇此本九  
十四篇予家所傳乃篇十有二

太公金匱六韜

詩曰維師尚父時維鷹揚諒彼武王肆伐大商會朝  
清明鄭康成稱其天期已至兵甲之疆師率之武故  
今伐商合兵以清明也牧誓曰時甲子昧爽武王朝

至于商郊牧野與詩合也武王之問太公曰何以知  
人心王時寢疾太公負而起之曰行迫矣勉之武王  
乃駕鷲真之車周且為之御至于孟津大黃參連弩  
大才扶骨車戰具飛鳧赤莖白羽以銅為首電影青莖赤羽以銅為首  
畫則為光方頭鐵鎚重八斤一行馬廣二丈二十具渡溝飛  
橋廣五丈轉鷹爪方凶鐵把柄長七尺天陣日月斗杓杓  
仰一背此地陣丘陵水泉有左人陣車馬積楹臨衡  
為天陣武衡大櫓所三軍雲火萬炬具吹鳴  
具雲梯飛樓視城中也亦詩所謂檀車煌煌駟騾彭彭也又攻諸武王曰  
籟審此則康成所曰兵甲之疆師率之武為可攷歟

殷可伐乎太公曰天與不取反凶其咎武王又曰諸侯已至士民何如太公曰大道無親何急於元士武王又曰民吏未安賢者未親何如太公曰無故無新如天如地其言若有合於書者詩之上章曰保右命爾變伐大商上帝臨女無貳爾心此之謂歟

### 孔叢子

漢藝文志無孔叢子而孔甲盤孟二十六篇出于雜家而又益以連叢其獨治篇稱孔鮒一名甲世因曰孔叢子盤孟者其事雜也漢書注又以孔甲為黃帝之史或夏帝時人篇第文不同若非今孔叢子也記

問篇載子思與孔子問答如此則孔子時子思其已長矣然孔子家語後叙及孔子世家皆言子思年止六十二子孟子以子思在魯穆公時固常師之是為的然矣按孔子沒於哀公十六年後十六年哀公卒又悼公立三十七年元公立二十一年穆公既立距孔子之沒七十年矣當是時子思猶未生則問答之事安得有之耶此又出於後人綴集之言何其無所據若此好古之癖每有悅乎異帙竒篇及觀其辭攷其事則往往差謬而同異嗚呼夫人設而微言絕異端起而大義乖皆苟簡於一時而增疑於末世一故為

學者舍六經何師焉

曾子

曾子者曾參與其弟子公明儀樂正子春單居離曾元曾華之徒講論孝行之道天地事物之原凡十篇自修身至于天圓已見於大戴禮篇爲四十九爲五十八它又雜見於小戴禮略無少異是固後人掇拾以爲之者歟劉中壘父子奏漢書略已不能致辨於斯况他人乎然董仲舒對策已引其言有曰尊其所問則高明行其所知則光大則書固在董氏之先乎又其言曰君子愛日及時而成難者不避易者不從

且就業夕自省可謂守業年三十四十無藝則無藝矣五十不以善聞則無聞矣質者吾自三省吾身何其辭費耶予續先太史史記注七十二弟子傳參字子輿晉灼讀音如宋昌驂乘之參因併及之

魯仲連子

仲連生戰國間可謂大不幸者矣有其材即無其時有其時無其事業此志士之所共嗟也若其辭氣雋放倜儻磊落琅琅乎誓誥之風遺燕將一書有曰智者不背時而棄利勇士不怯死以滅名忠臣不先身而後君辭官激亮隱然出乎戰國之表其義高 史

記傳仲連言其莫肯干仕嗚呼當是時士掉三舌得意天下一言捭闔取富貴如拾芥往往挾詐尚謀揉輶於名利之場如恐不及仲連智謀辯勇非儀秦髡衍輩可伍因事抗議切中事機排難解紛迎刃而破心畏爵賞如逝鴻避弋連之意沉冥斯世久矣使連可縻不過相齊耳天下諸侯方以足惴惴將一于秦亦豈一齊所可亡秦者逃歸海上瞭焉蒼龜茲其所以大過人歟戰國以來一人而已

晏子春秋

孔子刪詩而魯頌居周商之中孔子定書而費誓秦

誓在周書之後不僭上臣逼君禮義銷微制度掃地聖人無所施其正救而猶惓惓於詩書至於世日益亂分日益陵三綱五常斷喪乖紊天地之變有不可勝言者而春秋作矣春秋所書莫大於齊晉之霸齊晉之霸莫雄於管仲之謀周室法度爲之蕩然其爲術至慘也至無道也其遺患天下後世者仲也三歸反玷仲於禮也何有以此謀國國安得正而况背義違禮相公唯其君臣之際不亦陋乎不特是也自太公疆于齊至于宣公蓋二十三傳矣而弑死十有一嗚呼何其甚亂也獻公殺其兄襄公淫其妹懿公宣

公皆以淫惡而見弑當是時禮亡義隳豈復知有君臣上下之分哉在景公時齊之為齊趨於弱入於危矣公燕群臣請無為禮是何其言之謬法之蕩也晏子蹴然進曰君言過矣群臣固欲君之棄禮也力禮足以勝其長勇多足以殺其君而禮不使也戰國之汚有且如此亦庶幾焉然而田氏之宗世世齊政賣恩歛惠以懷其民民亦忘齊而歸田氏禮之素蕩義之素隳魚爛冰銷有不可禦誦晏子之語究晏子之心豈不哀哉孟子曰一齊人傳之衆楚人咻之子略卷一

子略卷二

高氏 似孫 續古

老子注

河上丈人

戰國時人

河上公

漢文帝時人

母丘望之

漢長陵三老又章句二卷

嚴遵

漢處士又指歸十一卷

王弼

又老子指例略二卷

鍾會

羊祜

又有解釋

蜀才

孫登

晉尚書郎

汪尚

晉江州刺史

劉仲融

袁真

晉中郎將

張馮

曹道冲



盧景裕

陶弘景

陳臯

鍾植

李允愿

陳嗣古

惠琳僧

惠嚴僧

鳩摩羅什

義盈僧

程韶集注

任真子集注

張道相道士集三  
十家注

梁曠又道經經  
品四卷

偃松子

李納

李榮道士

辟閭仁請

傅奕

楊上善

吳善經

又小解  
二卷

李若愚

顧歡

義疏一卷又  
義網一卷

孟智周

義疏  
五卷

韋處元

義疏  
四卷

戴詵

義疏  
九卷

趙志堅

義疏  
四卷

王顧

義疏  
四卷

江微

義疏十  
四卷

賈青夷

義疏  
四卷

梁武帝

講疏四卷  
又六卷

何晏

講疏四卷又  
道德問二卷

丘明

新記二卷  
沙言道德

葛洪

序訣  
二卷

李元英

義疏  
七卷

韓莊

元旨  
二卷

劉遺民

元譜  
一卷

扶少明

道士道德  
經譜二卷

陸希聲

道德經  
傳四卷

杜光庭

廣聖義  
三十卷

賈大隱

老子述義十卷

元景先生

簡要義五卷

陸修靜

道德經新說一卷

陳景先

道士以微二卷

崔少元

老子心鑑一卷

賈善翊

傳三卷

何晏道德二論

晏又有講疏四卷

何平叔晏注老子始成詣王輔嗣見王注精奇迺神

伏曰若斯人可與論天人之際矣因以所注為道德

二論又晏注老子未畢見弼自說注老子旨何意多

所短不復得作聲但應喏喏遂不復注因作二論文

章叙錄曰自儒者論以老子非聖人絕禮棄學晏說

與聖人同著論行於世魏氏春秋曰弼論道約美不

如晏自然出拔過之又曰晏少有異才善談易老

裴徽論老子

王輔嗣弱冠詣裴徽徽問曰夫無者誠萬物之所資

聖人莫肯致言而老子申之無已何耶弼曰聖人體

無無又不可以訓故言必及有老莊未免於有恒訓

其所不足

永嘉流人名曰徽字文季河東聞喜人太常替少弟也仕至冀州刺史王弼別傳曰

弼父為尚書郎裴徽為吏部郎徽見異之故問

老子

卦始於犧重於文王成於孔子天人之道極矣究人

事之始終合天地之運動吉凶悔吝禍福興衰與陰

陽之妙迭為銷復有無相乘盈虛相盪此天地之用  
聖人之功也易有憂患此之云乎書紀事詩攷俗春  
秋以明道禮樂以稽政往往因其行事書以記之者  
也易之作極聖人之蘊奧而天下無遺思矣老子之  
學於道深矣反覆其辭鈎研其旨其造辭立用特欲  
出於天地範圍之表而道前古聖人之所未道者然  
而不出於有無相乘盈虛相盪之中所謂道者蓋犧  
皇之所鑿周孔之所貫言復有所增損哉六經之學  
立經垂訓綱紀萬世老氏用心又將有得於六經之  
外非不欲返世真淳挈民清淨然善用之者蓋可為

黃昊為唐虞其不善用之則兩晉齊梁之弊有不可  
勝言者此非言者之過也世之言老氏者往往以為  
其道出於虛無恬漠非道之實而病之其又偏矣太  
史公所謂尊孔氏者則黜老子尊老子者則黜孔氏  
柳宗元獨曰老子孔子之異流也不得以相抗何斯  
言之審且安也楊雄氏太玄則曰孔子文足者也老  
君玄足者也淵乎斯言

莊子注

向秀 二十卷

司馬彪 十六卷

郭象 十卷

李贖 晉三 十卷

崔譔 十卷

盧藏用 十二卷

成元英 道士三十卷又義疏十二卷

李贇 集解二卷

梁簡文帝 講疏三卷

李叔之 義疏三卷宋處士

王穆 義疏十卷

陸德明 文義句二十卷

梁曠 南華論二卷十五卷

張隱居 扣要三十三篇

楊上善 十卷

文如海 道士十卷

張昭 十卷

王元古 集解三卷

張機 講疏二卷

戴詵 義疏八卷

周宏正 講疏八卷

馬廓 古本正義十卷

李充 論二卷

張游朝 南華因象說十卷

賈參寥 通真論三卷唐人

碧虛子 南華摠章二卷又章句七卷

元載 南華通微十卷

### 向秀莊子解義

初注莊子者數十家莫能究其旨要向秀於舊注外

為解義妙析竒致大暢玄風秀別傳曰秀與嵇康呂

傲世不羈安放逸適俗而秀雅好讀書二子頗以此  
嗤之後秀將注莊子先以告康安咸曰此書詎  
復須注徒棄人作樂事耳及成以示二子康曰爾故  
復勝不安乃驚曰莊周不死矣後注周易大義可觀  
而與漢世諸儒玄有彼此未若隱莊之絕倫也秀本  
傳或言秀遊託數賢蕭胥平歲都無注述唯好莊子  
聊隱崔譔所注以備遺忘云竹林七賢論云秀為此  
義讀之者無不超然若已出塵埃而窺絕冥始了視  
聽之表有神德玄哲能遺天下外萬物雖復使唯秋  
動競之人顧觀所徇皆悵然自有振拔之情矣

水至樂二篇未竟而秀卒秀子幼義遂零落然猶有

別本郭象者為人薄行有雋才文士傳曰象字子玄河南人少有才理慕

道好學託志老莊時人咸以為見秀義不傳於世遂

竊以為已注乃自注秋水至樂二篇又易馬蹄一篇

其餘衆篇或定點文字而已文士傳曰象作莊子後注最有清辭道旨

秀義別本出故今有向郭二莊其義一也

### 支道林莊子逍遙義

莊子逍遙篇舊是難處諸名賢所可鑽味而不能拔

理於郭向之外支道林在白馬寺中將馮太常共語

馮氏譜曰馮懷字祖思長樂人歷太常護軍將軍因及逍遙支卓然標新理

於二家之表立異義於衆賢之外皆是諸名賢尋味

之所不得後遂用支理向子期郭子玄逍遙義曰夫

材小大雖差各任其性苟當其分逍遙一也然物之

芸芸同資有待得其所待然後逍遙耳唯聖人與物

冥而循大變為能無待而常通豈獨自通而已又從

有待者不失其所待不失則同於大通矣支氏逍遙

論曰夫逍遙者明至人之心也莊生建言大道而寄

指鵬鷖以營生之路曠故失適於體外鷖以在近

而笑遠有矜伐於心內至人乘天正而高興遊無窮

於放浪物物而不物於物則遙然不我得玄感不為

不疾而速則道然靡不適此所以為逍遙也若夫有

欲當其所足於所足快然有似天真猶飢者一飽

渴者一盈豈忘丞嘗於糗糧絕觴爵於醪醴哉

### 晉人好言老莊

魏阮籍達莊論曰天道貴順地道貴靜聖人修之以

建其名吉凶有分是非有經務利高勢惡死重生故  
天下安而大功成也今莊子周乃齊禍福而一死生  
以天地為一物以萬類為一指無乃繳惑以失真而  
自以為誠者也

殷仲堪精覈玄論人謂莫不研究殷乃嘆曰使我解

四本談不翅爾

周祇隆安記曰仲堪好學而有理思也

殷仲堪云三日不讀道德經便覺舌本間強

晉安帝紀曰仲

堪有思理能清言

庾子嵩讀莊子開卷一尺許便放去曰了不異人意

晉陽秋曰庾敬字子嵩潁川人侍中峻第三子恢閱有度量自謂是老莊之徒曰昔未讀此書

嘗謂至理如此今見之正與人意暗同仕至豫州刺史

支道林許謝盛德共集王家

許詢謝安王濛謝顧謂諸人今

日可謂彥會時既不可留此集固亦難常當共

言詠以寫其懷許便問主人有莊子不正得漁

父一篇

莊子曰孔子遊乎緇帷之林休坐乎杏壇之上孔子弦歌鼓琴奏曲未半有漁

者下船而來須眉交白被髮揄袂行原以上距陸而止左手據膝右手持頤以聽曲終而招子貢子路語曰彼何為者也曰孔氏曰孔子何治子貢曰服忠信行仁義飾禮樂選人倫孔氏之所治也曰有上之君歟曰非也漁人曰仁則仁矣恐不免其身孔子聞而求問之遂言八疵四病以誠謝看題便各使四坐通支道林先通作

七百許語叙致精麗才藻奇拔衆咸稱善於是

四坐各言懷異謝問曰卿等盡不皆曰今日之言少不自竭謝後粗難因自叙其意作萬餘語才峯秀逸文字志曰安神情秀悟善談玄遠既自難干加意氣擬託蕭然自得四坐莫不厭心支謂謝曰君一往奔詣故復自佳耳

阮宣子有令聞太尉王夷甫見而問曰老莊與聖教同異對曰將無同太尉善其言辟之為椽世謂

三語椽名士傳曰阮脩字宣子陳留人好老易能言理

郭子玄有雋才能言老莊庾敞嘗稱之每曰郭子玄

何必減庾子嵩名士傳曰郭象字子玄自黃門郎為太傳主簿任事用勢傾動

一府散謂象曰卿自是當世大才我曠昔之意都已盡矣其伏理推心皆此類也

### 莊子

道德三千言辭絜旨謚澹然六經之外其用則易也莊周則不然浚滌沉潜若老於玄者而泓崢蕭瑟乃欲超遙於老氏之表是以其說意空一塵倜儻峻拔無一毫蹈襲沁仍之陋極天之荒窮人之偽放肆迤演如長江長河衮衮灌注泛濫乎天下又如萬籟怒號澎湃汹涌聲沉影滅不可控搏率以荒恠詭誕狂肆虛眇不近人情之說瞽亂而自呼至於法度森嚴文辭雋健自作瓌新亦一代之奇才乎戰國多奇士

荀卿之學有志斯世者也魯連之辯獨善其身者也  
寓言一書非深乎道者未易造此顧獨以滑稽發之  
士至於無所用其才而猶區區於矯拂世俗之弊者  
不亦怱怱乎方是時天下大壞蕩不可支攘奪爭凌  
斬然一律其意思有以激之回之矯之夷之肆意無  
忌以放乎辭矯世之私曾不一二而亂天下之過特  
不可免於中若其言託孔子以自致其過者二十有  
九章文言堯禹文王太公之事皆非詩書所見而竊  
快其無稽之論狎聖侮道茲爲亦甚矣學者知之乎

列子

劉向論列子書穆王湯問之事迂誕恢詭非君子之  
言又觀穆王與化人游若清都紫微鈞天廣樂帝之  
所居夏革所言四海之外天地之表無極無盡傳記  
所書固有是事也人見其荒唐幻異固以爲誕然觀  
太史公史殊不傳列子如莊周所載許由務光之事  
漢去古未遠也許由務光往往可稽遷猶疑之所謂  
禦寇之說獨見於寓言耳遷於此詎得不致疑耶周  
之末篇叙墨翟禽猾釐慎到田駢關尹之徒以及於  
周而禦寇獨不在其列豈禦寇者其亦所謂鴻蒙列  
缺者歟然則是書與莊子合者十七章其間尤有淺



近迂僻者特出於後人會粹而成之耳至於西方之人有聖者焉不言而自信不化而自行此固有及於佛而世尤疑之夫天毒之國紀于山海竺乾之師間于柱史此揚文公之文也佛之爲教已見於是何待於此時乎然其可疑可恠者不在此也

文子

柳子厚以文子徐靈府注十二卷李白進訓注十二卷天寶中以文子爲通玄真經子爲老子弟子其辭指皆本之老子其傳曰老子弟子雖其辭指柳子厚以爲時有若可取蓋駁書也凡孟子數家皆入剽竊

文詞义牙相抵而不合人其損益之歟或聚斂以成其書歟乃爲刊去謬亂頌發其意子厚所刊之書世不可見矣今觀其言曰神者智之淵神清則智明智者心之府智公則心平又曰上學以神聽之中學以心聽之下學以耳聽之又曰貴則觀其所舉富則觀其所欲貧則觀其所愛又曰人性欲平嗜欲害之此亦文子之一變也

子略卷三

戰國策

高氏

似孫

續古

班固稱太史公取戰國策楚漢春秋陸賈新語作史記三書者一經太史公采擇後之人遂以為天下奇書予惑焉每讀此書見其叢脞少倫同異錯出事或著於秦齊又復見於楚趙言辭謀議如出一人之口雖劉向校定卒不可正其淆駁會其統歸故是書之汨有不可而辨者况於楚漢春秋陸賈新語乎二書紀載殊無奇耳然則太史公獨何有取於此夫載戰

國楚漢之事會三書他無可攷者太史公所以加之  
采擇者在此乎柳子厚嘗謂左氏國語其闕深傑異  
固世之所耽嗜而不已也而其說多誣滯不槩於聖  
余懼世之學者惑其文采而淪於是非作非國語昔  
讀是書殊以子厚言之或過矣反覆戰國策而後三  
嘆非國語之作其用意切用功深也予遂効此盡取  
戰國策與史記同異又與說苑新序雜見者各彙正  
之名曰戰國策考

管子

尹知章注三十卷杜  
佑管子指略二卷

古者盛衰之變甚可畏也先王之制其盛極於周后

稷公劉大王王季文武成康周公之所以制周者非  
一人之力一日之勤經營之難積累之素况又有出  
於唐虞夏商之舊者及其衰也一夫之謀一時之利  
足以銷靡破鑿變徙剝蝕而迄無餘脉吁一何易耶  
九合之力一霸之圖於齊何有也使天下一於兵而  
忘其為農天下一於利而忘其為義孰非利也而乃  
攻之以貪騁之以詐孰非兵也而乃趨之以便行之  
以一切先王之所以經制天下者煙散風靡無一可  
傳嗚呼仲其不仁也哉而况井田既壞槩量既立而  
商鞅之毒益滋矣封建既隳詩書既燎而李斯之禍

益慘矣緊誰之咎耶漢唐之君貪功苟利兵窮而用  
之無法民削而誅之無度又有出於管仲鞅斯之所  
不爲者豈無一士之智一議之精區區有心於復古  
者而卒不復可行蓋三代之法其壞而掃地久矣壞  
三代之法其一出於管仲乎劉邵之志人物也曰管  
仲曰商鞅皆以隸之法家李德裕以邵之索隱精微  
研幾玄妙實天下奇才至以管仲與商鞅俱人物之  
品往往不倫德裕顧未嘗孰讀其書耳邵所謂皆出  
於法者其至論歟孔子曰齊一變至於魯魯一變至  
於道使齊盡變其功利之習僅庶幾於魯耳然則安  
得而變哉聖人非有志於變齊也古之不可復也爲  
可嘆耳

尹文子

班固藝文志名家者流錄尹文子其書言大道又言  
名分又言仁義禮樂又言法術權勢大略則學老氏  
而雜申韓也其曰民不畏死由過於刑罰者也刑罰  
中則民畏死畏死則知生之可樂知生之可樂故可  
以死懼之此有希於老氏者也又有不變之法齊等  
之法理衆之法平準之法此有合於申韓然則其學  
雜矣其學淆矣非純乎道者也仲長統爲之序以子

學於公孫龍按龍客乎平原君趙惠文王時人也齊  
宣王死下距趙王之立四十餘矣則子之先於公孫  
龍爲甚明非學乎此者也晁氏嘗稱其宗六藝數稱  
仲尼熟攷其書未見所以稱仲尼宗六藝者僅稱誅  
少正卯一事耳嗚呼士之生於春秋戰國之間其所  
以熏染習變幻捍闔求騁於一時而圖其所大欲  
者往往一律而同歸其能屹立中流一掃羣異學必  
孔氏言必六經者子墨子一人而已

韓非子

士生戰國才不一伸抱智懷謀其求售殊切切亦可

憐也商鞅以法治秦李斯又以法治秦秦之立國一  
出於刑罰法律而士以求合者非此不可始皇一見  
韓非之書喟然嘆曰寡人得見斯人與之游死不恨  
矣始皇所以惓惓於非者必有所契者今讀其書往  
往尚法以神其用薄仁義厲刑名背詩書課名實心  
術辭旨皆商鞅李斯治秦之法而非又欲凌跨之此  
始皇之所投合而李斯之所忌者非迄坐是爲斯所  
殺而秦即以亡固不待始皇之用其言也說難一篇  
殊爲切於事情者惟其切之於求售是以先爲之說  
而後說於人亦庶幾萬一焉耳太史公以其說之難

也固嘗悲之太史公之所以悲之者抑亦有所感慨焉而後發歟嗚呼士生不遇視時以趨使其益遇固無足道而况說難孤憤之作有如非之不遇者乎楊雄氏曰秦之士賤而拘信哉

墨子

韓非子謂墨子死有相里氏之墨相芬氏之墨鄧陵氏之墨孔墨之後儒分爲八墨離爲三其爲說異矣墨子稱堯曰采椽不斲茅茨不剪稱周曰嚴父配天宗祀文王又引若保赤子發罪惟均出於康誥泰誓篇固若依於經據於禮者孟子方排之不遺一力蓋

聞之夫子曰惡似而非者惡莠恐其亂苗也惡鄭聲恐其亂雅也惡紫恐其亂朱也惡鄉原恐其亂德也墨之爲書一切如莊周如申商如韓非惠施之徒雖不闢可也唯其言近乎譎行近乎誣使天下後世人書信其說其害有不可勝言者是不可不加闢也嗚呼孟子之學一於羽翼群經推尊聖人者歟異時有纏子者修墨子之業唯曰勸善兼愛墨子重之嗚呼學墨子者豈學此乎

鄧析子

劉向曰非子產殺鄧析推春秋驗之按左氏魚是公

八年鄭駘駘嗣子太叔為政明年殺鄧析而用其竹  
刑君子謂駘嗣於是為不忠攷其行事固莫能詳觀  
其立言其曰天於人無厚君於民無厚文曰勢者君  
之輿威者君之策其意義蓋有出於申韓之學者矣  
班固藝文志乃列之名家列子固嘗言其操兩奇之  
說設無窮之辭數難子產之治而子產誅之蓋則與  
左氏異矣荀子又言其不法先王不是禮義察而不  
惠辯而無用則亦流於申韓矣夫傳者乃曰駘殺鄧  
析是為不忠鄭以衰弱夫鄭之所以為國者有若禪  
謀草創之世叔討論之東里子產潤色之庶幾於古

矣子產之告太叔曰有德者能以寬服人其次莫如  
猛子產惠人也固已不純乎德他何足論哉不只竹  
刑之施而民懼且駭也嗚呼春秋以來列國基錯不  
以利勝則以威行與其民揉輶於爭抗侵凌之域豈  
復知所謂仁漸義摩者其民苦矣固有惠而不知為  
政者豈不賢於以薄為度以威為神乎析之見殺雖  
獻之過亦鄭之福也

### 亢桑子

孔子曰上有好者下有甚焉亢桑子之謂歟開元天  
寶間天子方鄉道家者流之說尊老氏表莊列皇皇

乎清虛冲澹之風矣又以亢桑子號洞靈真經上既不知其人之仙否又不識其書之可經一旦表而出之固未始有此書也襄陽處士王褒來獻其書書褒所作也按漢略隋志皆無此書褒之作也亦思所以趨世好迎上意耶今讀此編往往采諸列子文子又采諸呂氏春秋新序說苑又時采諸戴氏禮源流不一往往論殊而辭異可謂雜而不純濫而不實者矣太史公作莊周列傳固嘗言其語空而無實而柳宗元又以爲空言之尤皆足知其人決其書然柳氏所見必是王褒所作者

### 鵝冠子

春秋戰國間人才之偉且多有不可勝者不得其時不得其位不得其志退而藏之山谷林莽之間無所泄其謀慮智勇大抵見之論著然其經營馳騁天下之志未始一日忘而其志亦可窺見其萬一者矣是以功名之念有以怵其心利害之機有以蕩其慮而特立獨行之操不足以盡洗見聞之陋也是其爲書不出於黃老則雜於刑名是蓋非一鵝冠子而已也柳子厚讀賈誼鵬賦嘉其詞而學者以爲盡出鵝冠子得其書讀之殊爲鄙淺唯誼所引用者爲甚美餘



無可言者列仙傳曰鵠冠子楚人隱居衣弊履穿以  
鳩爲冠莫測其名著書言道家事則蓋出於黃老矣  
其書有曰小人事其君務蔽其明塞其聰乘其威以  
灼熱天下天高而難追有福不可請有禍不可違其  
言如此是蓋未能忘情於斯世者至曰鳳鳥陽之精  
麒麟陰之精萬民者德之精嗚呼亦神矣

孫子

昭文章明貴賤辨等列順少長魯兵也不重傷不禽  
二毛不以阻隘明耻教戰宋兵也少長有禮八節和  
睦晉兵也制國作政以寄軍令齊兵也僕三千人有

紀有綱秦兵也伐晉之舉喪乃止焉楚兵也周衰制  
隳法蕩政不克綱強弱潰凌一趨於武侈兵圖霸于  
戈相尋甚可畏也其間謀帥行師命意立制猶知篤  
禮信尚訓齊庶幾三代仁義之萬一焉耳殊未至於  
毒也兵流於毒始於孫武乎武稱雄於言兵往往舍  
正而鑿竒皆義而依詐凡其言議反覆竒變無常智  
術相高氣驅力奮故詩書所述韜匱所傳至此皆索  
然無餘澤矣先儒曰無以學術殺天下後世是猶言  
學者也吳越交兵勝負未決武居其間豈無所以爲  
強吳勝越者二十年間闔廬旣以戰死夫差旋喪其

國方是時武之術不行於他國特見信於吳而武之言兵亦知爲吳計而已成敗興亡易如反掌固毋待於殺天下後世兵其可以智用歟

吳子

自有春秋而天下日窮於兵孫武以言兵進於吳吳起以言兵售於魏各以書名家然讀吳子其說蓋與孫武截然其不相侔也起之書幾乎正武之書一乎竒吳之書尚禮義明教訓或有得於司馬法者武則一切戰國馳騁戰爭奪謀逞詐之術耳武侯浮西河下中流喟然嘆曰美哉山河之固魏之寶也起言之

曰德不在險德之不修舟中之人盡敵國也斯言之善質於經求之古奚慚焉反覆此編則所教在禮所貴在禮天以湯武仁義律之起誠有間求之於齊魯晉衛秦楚之論兵者起庶幾乎武侯賢矣聽起者篤矣君臣之遇不爲不厚矣讒間一生棄如敝屣勲名志業迄不一就士之思古安得不嘆息於斯若其當新難之國輔未壯之君馭不附之大臣臨未信之百姓而乃明法審令廢踈遠之公族捐不急之庶官持意太過操制太嚴是所以速禍耳起乃踈於此耶

范子

范子之事不亦奇乎。蠡相越王勾踐，深謀隱策者一十二年，迄亡吳。大雪越耻，勾踐霸拜蠡上將軍。蠡上即日書，勾踐扁舟五湖，聞無聲。又浮海入齊，變姓名，鷓夷子皮。父子治貨數十萬，齊聞之，延為相。有頃，上相印書散其所有，獨懷重寶，行次乎陶。天下稱陶朱公，嗚呼智哉！唐王績詩：范蠡何智哉，單舟戒輕裝。與吾言合節，蠡方居齊，以書做大夫，種曰鷓鳥盡，良弓藏，狡兔死，走狗烹。王長頸可共患難，不可共樂合。亟圖之，嗚呼！此非蠡之言計然之言也。初有計然者，遨遊海澤，自稱漁父。蠡有請曰：先生有陰德，願令越社

稷長保血食計然曰：越王鳥喙，不可以同利。蠡之智，其有決於此乎？此編卷十有二，往往極陰陽之變，窮曆數之微，其言之妙者有曰：聖人之變如水，隨形。蠡之所以俟時而功以見幾，而作者其亦有得乎此計然濮上人姓章名文子，其先晉國公子也。

鬼谷子

隋志有樂注一卷又有  
鬼谷先生占氣一卷

戰國之事危矣！士有挾雋異豪偉之氣，求騁乎用，其應對酬酢，變詐激昂，以自放於文章，見於頓挾險恠，離合揣摩者，其辭又極矣。鬼谷子書其智謀其數術，其變譎其辭，蓋出於戰國諸人之表夫。一闕一闔。

易之神也一翁一張孝氏之幾也鬼谷之術往往有  
得於闔闢翕張之外神而明之益至於自放潰裂而  
不可禦予嘗觀諸陰符矣窮天之用賊人之私而陰  
謀詭秘有金匱韜略之所不可該者而鬼無盡得而  
泄之其亦一代之雄乎按劉向班固錄書無鬼谷子  
隋志始有之列於縱橫家唐志以爲蘇秦之書然蘇  
秦所記以爲周時有豪士隱者居鬼谷自號鬼谷先  
生無鄉里族姓名字今攷其言有曰世無常責事無  
常師又曰人動我靜人言我聽知性則寡累知命則  
不憂凡此之類其爲辭亦卓然矣至若盛神養志諸

篇所謂中稽道德之祖散入神明之蹟者不亦幾乎  
郭璞登樓賦有曰揖首陽之二老招鬼谷之隱士又  
遊仙詩曰青溪千餘仞中有一道士借問此何誰云  
是鬼谷子可謂慨想其人矣徐廣曰潁川陽城有鬼  
谷注其書者樂臺皇甫謐陶弘景尹知章

知章  
唐人

子略卷三



文化甲子

第四卷缺

